

REFERAT TNA - Tasiilami Najukkami Ataatsimiititaq d. 29-10-2020

Mødedato Torsdag d. 29. oktober 2020 kl. 20:30

Mødested Kommuunip ataatsimiittarfiani

Indholdsfortegnelse

Saqqaa.....	3
Ilisimatitsissutit.....	4
Qulequttat eqqartugassat.....	5
Taasariaqartut allat.....	8
Imaqarniliap akuersissutigineqarnera.....	9

Punkt 1: Saqqaa

Peqataasut:

Charlotte Ludvigsen (BM)

Ole J. Lundblad (Siulittaasoq)

Ole Nuko (Siulittaasup tullia)

James O. Ignatiussen (Ilaasortaq)

Harald Amagtangneq (Ilaasortaq)

Atorfillit:

Misu Benjaminsen – Borgmesterip allattaa

Marie Heimer – Ataqtigiissaarisooq

Punkt 2: Ilisimatitsissutit

Soqanngilaq.

Punkt 3: Qulequttat eqqartugassat

3A. Najukkami ataatsimiititap suliaasa killiffii.

3B. Kalaaliarassaq

3C. Attertup Nuuaata imartaani wire-mik ikkussinissaq

3D. Majuartarfiliasat Prs. Benediktip aqqulaani

3E. Tinititsivissaq iffiordiup eqqaani

3F. Arsaattarfiup eqqaani illuaqqanik issiavinnik sanatitsinissaq

3G. Aningaasat atukkat qaammatikkaartumi killiffii

3H. Aningaasaliissutit ukiumut mikivallaarnerat

3I. Aningaasarsiat qaffannissaat

3J. Isumasioqatigiinnissaq 2021-imi

Beslutning

3A. Najukkami ataatsimiititap suliaasa killiffii.

Siorna inuiattut ullorsiornermi 21/6-2019 kiisalu Tasiilaq ukiuni 125-ni nalliuttorsiorneranut atatillugu, qiperukkamik Georg Qupersimat Najukkamik ataatsimiititaliaq tunniussinikuuvoq. Jens Kjeldsen-ip qiperugaanik taannalu uleerneqarluni katersugaasiviuk eqqannguani. Kiisalu Tasiilaq ukiuni 125-liinerani nalliuttorsiornerani 25. Kiisalu 26. August 2019 ulluni marlunni ingerlanne-qartumi, Najukkami ataatsimiititaliaq peqataasarnikuupput Peqqinnermut Sammisasaqartitsine-rmut Kulturimullu Immikkoortortaarfik suleqatigalugu meeqqanut inuusuttunullu sammisaqartitsisarnikuullutik.

Illuaraliassaq Stark-imi pisiaralugu Tasiilap qinnguani sanatinneqarpoq sanasumit. Illuaqqap ilua pequtserneqarnera qalipanneralu Inuusuttuaqqat Kulturikkut illuaniit ittuat peqatigalugu suliarineqarpoq naammassingajalerluni. Illuaraq innuttaasut kikkulluunniit atorsinnaasaat.

Ukioq manna illoqarfimmi pingasoriaq saliisitippit innuttaasut peqataatillugit peqataaffigineqarluartarpoq. Inuusuttuaqqat Kulturikkut Illuaniit suleqataalluarlutik peqataasarput.

Kalaaliarassaq pillugu Tasiilami suleqatigiippugut-mi suliaqartut Sustainibel Now illunik titartaasartoq Erik peqatigalugit kiisalu Aalisartut piniartullu peqatigiiffianiit kiisalu Erhvervsråd-imiit, sumi inissisimaffissaa il.il. eqqartorneqarpoq. Neriutigineqarluarpoq naammassineqarnissaa.

Tasiilami suleqatigiippugut aamma ataatsimeeqatigineqarnikuupput, taakku maani Tasiilami suut amigaatigineqarnersut kissaatigineqarnersut paasiniarneqarlutik sulissutiginiarpaat. Tassani internetikkut attaveqaatit pitsaannerusut arriinnera pissutigalugu kiisalu Tidlig indsats, inissaaleqinerit, kinguaassiutitigut kannguttaattuliornermi pinaveersaartitsinerit. Lokalradio-taarnissaq. Natteravn-it siornatigut Røde Kors-imiit ingerlanneqartartut, arnat marluk nammineq piumassutsiminnik saaffiginninnikuusimapput soqutiginnillutik. Kaammattorneqarput arlaatigut amigaateqarunik qinnuteqarsinnaasut. Akikinnerusunik anginerusunillu inissianik ilaqutariinnut. Tassanilu illu ataaseq misiliutitut sananeqartussaq, tassanilu initaarnissaminnik utaqqisuniittut aperialugit inissiaq qanoq ittoq piumaneqarnersoq. Immaqa aatsaat siullerpaamik taamatut aperisoqarpoq.

Inuusuttuaqqat Kulturikkut illussaat nappaanersiorneqarmat august-imi peqataapput.

Bænk-it qulit piniarneqarput, illoqarfimmi ikkussuuttussanik.

Sanaaluttartut Stunk-imi suliaannik gaveæske-nik tunissuteqarneq. Ukioq manna sanaaluttartuq Bent Kuitse-p nammineq piumassutsiminik qisuk 1 ½ meter missaani, maani pisiniarfeqqap qulaani napparpaa. Sanaaluttartunut qiperukkanik pikkorissaasoqaraluarpat iluaqutigineqarsinnaagaluarpoq, tamakku takornarialerisullu suleqatigiinnikkut anguniarneqarsinnaavoq.

Illuaqqamik Tasiilap silatinnguani upernaakkut aasakkut sikorsuaqatillugu qimaaffissatut isersimaarfissatut amigaatigineqarpoq, aappaagu illuaralioqqinnissaq takorloorneqarpoq. Siornatigut qaammat november-imi innuttaasunut nerersuartsisaraluarput inut 300-400 peqataasarnikuullutik, ukioq manna ilimanangilaq, kisianni utoqqarnik ukiortaarsiortitsineq nereqatiginneq peqataaffigineqarluartartoq ingerlatinneqarnissaa takorloorneqarpoq. Utoqqaat nuannisartarmata angerlarusunnaartarlutik nuannisangaarmata.

Ukioq manna innuttaasunik iluamik ataatsimiititsisoqanngilaq covid-19 pissutaalluni.

Qanittukkut Peqqinnermut Sammisassaqtitsine-rmut Kulturimullu Immikkoortortaqaqfimmiiit peqatigiiffiit il.il. ataatsimeeqatigineqarput peqataaffigineqarluartumik.

Borgmesterip najukkami ataatsimiititaliap suliarpassuanut nersualaarinnippoq covid-19 killilersuigaluarluni, ilaasortanngortullu nutaat tikilluaqqullugit. Kiisalu illuaq facebook-imi takusimallugu nuannerunartillugu. Inissianut tunngatillugu aningaasaliissutissanik tusarniaasoqarneranik, ukiut qulit iluani Tasiilami inissianik sanaartortoqarnissaa eqqaavaa. Taamaattumik Tasiilami suleqatigiippugut-mi illumik sanasoqarnissaanik soqutiginartippaa. Natteravn-it ukioq marluk matuma siorna ataatsimeeqatiginikuuai, nammineq piunassutiminnik suliaqartussanik pissarsinissaq ajornakusoortorujussuuvoq. Taamaammat tusarluarnarpoq inuit marluk saaffiginnissimasut soqutiginillutik.

3B. Kalaaliarassaq

Sumut killinnersoq paasiniarneqarpoq, borgmesterillu nassuiaavoq illunik titartaasartoq kiisalu Pernille ataatsimeeqatigisimallugit saqqummiillutillu. Soqutiginartorujussuuvoq arealtideling-itassaa pappialarsornerillu suli ingerlapput.

Kiisalu Najukkami ataatsimiititaliap Kalaaliarakoq atorluarneqaaqqinnissaa siunnersuutigivaat. Tassanilu borgmesterip eqqaavaa, tassunga pilersaaruteqartoqanngitsaq, kisiannili siunnersuutininik kommunalbestyrelse-nut ingerlatissisinaasut.

3C. Attertup Nuata imartaani wire-mik ikkussinissaq

Umiatsialivimmi angallatit amerlasoorujussuusarput maani Tasiilami. Angallatit tattoqittaattorujussuupput ikuallattoqalissagaluarpat amerlasuut ikuallalersinnaagamik. Ukiorpaaluit qaangiupput taamatut pisoqarmat. Taamaattumik Attertup Nuata angallatinik inissisimaffissatut atorneqarnissaanik, imartaani wire-mik ikkussisoqarnissaa sikunik illersuutaasussamik kissaateqarput. Tassanilu akissutigineqarpoq tusarniaanermi sektorplan-imi suli akuersissutigineqanngitsut. Kommunalbestyrelse-p tamakkiisumik pilersaarut suliarisussaavaat, suut amigaatigineqarnersut pitsanngorsarneqassanersullu tusarniaavigineqassallutik. Tassanilu ingerlatsinermi aqutsisuugallartup misissorumavaa nalilersortussaallugulu.

3D. Majuarterfiliassat Prs. Benediktip aqqulaani

Majuarterfiliortitsinissamik sanasunik suliarinnittussarsiornermi ajoraluartumik takkuttoqarsimanngilaq. Taamaammat aappaagumut upernaamut sanatitsinissaq kinguartinneqartariaqassaaq. Aamma tamakkiisumik pilersaarummi takuneqarsinnaapput ilanngunneqarsimasut.

3E. Tinititsivissaq iffiorfiup eqqaani

Ukiuni kingullerni angallatinik tinititsivissaq amigaatigineqalerpoq. Angallatip motooriata olie taarsernissaanik, angallammik qaqqitseqqaarluni taamaaliortoqartarpoq taamaaliornerlu 10 minutsiinnaagaluq 700 kr.-inik akeqarpoq akisugineqarlunilu. Tinititsivissaq suliarinissaanik atortussat stâl-itassai Kulusumiipput, maanga assartorneqaaqqartussaapput suliaritinnissaannut suliarineqarumarporlu.

3F. Arsaattarfiup eqqaani illuaqqanik issiavinnik sanatitsinissaq

Maani Tasiilami aasakkut arsaattarfik arsartartunik atorneqartorujussuusarpoq. Issiavinnik amigaateqartoqartarpoq. Kiisalu illuaqqanik marlunnik sanatitsisoqaraluarpat ajussanngikkaluaqaaq. Najukkamik ataatsimiititaliaq tamakkununga

tamakkiisumik akissaqanngilaq, ukiumut aningaasaliissutit pisartagai annertunnginnamik. Tassani siunnersuutigineqaraluarpoq aningaasaliissussanik ujaasisoqarsinnaagaluartoq, kisianni maani Tasiilami suliffeqarfiit ikittuinnaagamik ajornakusoortorujussuuvoq taamaaliornissaq. Tamakkiisumik pilersaarummi takuneqarsinnaavoq, arsaattarfiup eqqaani issiaviit aamma ilanngunneqarsimasut. Taamaattumik kommunalbestyrelse-miit akuerineqassappata suliaritinneqarumaarput.

3G. Aningaasat atukkat qaammatikkaartumi killiffii

Najukkami ataatsimiititaliap aningaasanik ukiortaamiilli atuinera, sumut bogfõrerneqartarnersut takuneqarsinnaaneq ajorpoq. Qaammat kingulleq aningaasat killiffii tigunerani, taamaallaat pingasuinnaat bogfõrerneqarsimapput. Sinneri aningaasaqarnermut ingerlatsivimmuut paasinianeqarput sumut bogfõrerneqarsimanersut. Massakut taakku Christina-p misissorpai.

3H. Aningaasaliissutit ukiumut mikivallaarnerat

Anguniarusutat arlaqartaraluartut ukiumulli aningaasaliissutit 350.000 kr.-nit mikivallaarnerat pissutaalluni, suliat annikitsuinnaasarpud. Tassanilu borgmesterip nassuiaappai innuttaasut amerlassusii aallaavigalugit aningaasaliissutit tunniunneqartartut. Arlaatigut annertuumik aningaasanik pisariaqartitsisoqassappat kommunalbestyrelse-mut qinnutigineqarsinnaasut. Soorlu aamma 3I-mut taamatut qinigaasussat 2021-imi nutaat nalilersoriarlugit, kommunalbestyrelse-mut isertussanut nutaanut qinnutigineqassappud.

3I. Aningaasarsiat qaffannissaat

Heidi Jerimiassen-imut siorna aningaasarsiat qaffannissaannik allagaqaat nassiunnikuuvoq, taannalu kommunaldirektõr-imut ingerlateqqinneqarsimavoq. Kiiisalu 3Hmi allaqqasoo takuuk.

3J. Isumasioqatigiinnissaq 2022-imi

Aningaasaqarnermut Ingerlatsinermullu Ataatsimiititaliap aalajangernikuusimavaa isumasioqatigiinneq pisassasoo ukiut pingasukkaarlugit, taamaammatt isumasioqatigiinnissaq pissasoo 2022-imi. Tassungalu Luvisa ataqatigiissaarisoo nassiussivoq Heidi-mut Marie-mullu.

Punkt 4: Taasariaqartut allat

Beslutning

Utoqqalinersialinnut siusinaarlutillu qaammamusialinnut ulloq ataaseq sioqqullugu ikineqartalernissaat kissaatigineqaraluarpoq. Maani Tasiilami pisiniarfik ataasiinnaavoq, inuppassuillu pisiniartarlutik taamaalillutik utoqqaat utaqqikatattarlutik. Ulloq ataaseq sioqqullugu utoqqalinersiai ikineqartaraluarpata eqqissillutik pisiniartassagaluarput.

Tamanna tusaatissatut tiguneqarpoq, taamaaliortoqarnissaanillu pilersaaruteqartoqarnani.

Maani Tasiilami Kommuneqarfik Sermersooq covid-19 corona pissutaalluni, killilimmik innuttaasunik ammaqqsarnera innuttaasut killilersorneqarnerat isersinnaaneri, sila nillertimmat innuttaasut silami utaqqsarnerat qiiallutik allanngortinneqarnissaa kissaatigineqarpoq.

Tamannalu iliuuseqarfigineqarusuppoq.

Punkt 5: Imaqarniliap akuersissutigineqarnera

Tasiilami Najukkamik Ataatsimiititaliami ilaasortat:

Ole J. Lundblad (Siulittaasoq)

Ole Nuko (Siulittaasup tullia)

James O. Ignatiussen (Ilaasortaq)

Harald Amagtangneq (Ilaasortaq)